

**UNIVERZITET U SARAJEVU**  
**- SENAT -**

Broj: 01-38-2705/14

Sarajevo, 16. 07. 2014. godine

**Z A P I S N I K**  
**SA 24. SJEDNICE SENATA**  
**ODRŽANE 16. 07. 2014. GODINE**

Prisutni članovi Senata: prof. dr. Muharem Avdispahić, rektor, prof. dr. Dženan Đonlagić, prof. dr. Zehra Kreho, prof. dr. Ugo Vlasisavljević i prof. dr. Faruk Mekić, prorektori, Samir Arnautović, student-prorektor, prof. Marina Finci, prof. Pjer Žalica, prof. dr. Erdin Salihović (po ovlaštenju), doc. dr. Jasmina Selimović (po ovlaštenju), prof. dr. Narcis Behlilović, prof. dr. Zuhdija Hasanović, prof. dr. Nedžad Korajlić, prof. dr. Šaćir Filandra, prof. dr. Ifet Mahmutović, prof. dr. Samir Čaušević, prof. dr. Dijana Avdić, prof. dr. Davorka Završnik, prof. dr. Salih Fočo, prof. dr. Mustafa Hrasnica, prof. dr. Ejub Džaferović, prof. dr. Almira Hadžović-Džuvo, prof. Mirjana Papić-Hrkaš (po ovlaštenju), prof. dr. Uzeir Bavčić, prof. dr. Mirsad Kurtović, prof. dr. Hajrija Sijerčić-Čolić, prof. dr. Rifat Škrijelj, prof. dr. Sadeta Šečić (po ovlaštenju), prof. dr. Mirza Dautbašić, prof. dr. Nihad Fejzić, prof. dr. Munib Tahirović, doc. dr. Pavle Mijović (po ovlaštenju), prof. dr. Kasim Bajrović, dr. Rasim Muratović, dr. Vera Katz (po ovlaštenju), dr. Behija Zlatar, dr. Alen Kalajdzija (po ovlaštenju), Ahmed Nurković, predsjednik SPUS-a i predstavnik SPUS-a u Grupaciji društvenih nauka, Bekir Rovčanin (predstavnik SPUS-a u Grupaciji medicinskih nauka), Omar Kapetanović (predstavnik SPUS-a u Grupaciji tehničkih nauka) i Ismir Smajić (predstavnik SPUS-a u Grupaciji prirodno-matematičkih i biotehničkih nauka).

Ostali prisutni: dr. sc. Suvad Konaković, generalni sekretar Univerziteta u Sarajevu.

Odsutni: Amar Avdić (predstavnik SPUS-a u Grupaciji humanističkih nauka) i Esma Sulejmanagić (predstavnik SPUS-a u Grupaciji umjetnosti), članovi.

Zasjedanje je počelo u 13,00 sati.

Predsjedavao je rektor prof. dr. Muharem Avdispahić.

Prije prelaska na usvajanje dnevnog reda za riječ se javio prof. dr. Mirza Dautbašić i zatražio da Senat razmotri trenutno stanje akademske mreže odnosno informacionog sistema na Univerzitetu u Sarajevu i probleme koji se javljaju u njegovom funkcioniranju. Članovi Senata su prihvatili prijedlog prof. Dautbašića i uz navedenu dopunu usvojen je sljedeći

**D N E V N I R E D**

1. Usvajanje zapisnika sa:
  - a) 23. redovne sjednice Senata Univerziteta u Sarajevu od 25. 06. 2014. godine
  - b) 2. tematske sjednice Senata Univerziteta u Sarajevu od 03. 07. 2014. godine

- c) 6. vanredne sjednice Senata Univerziteta u Sarajevu od 03. 07. 2014. godine
2. Dopis Sindikata Univerziteta u Sarajevu
  3. Informacija o provedbi prvog upisnog roka u prvu godinu prvog ciklusa za studijsku 2014/2015. godinu
  4. a) Izbori u akademska i naučna zvanja  
b) Raspisivanje konkursa za izbor akademskog osoblja
  5. Prijedlog Pravilnika o priznanjima i nagradama na Univerzitetu u Sarajevu
  6. Dodjela priznanja *Medalja Univerziteta u Sarajevu* prof. dr. Smailu Čekiću
  7. Imenovanje člana Odbora za normativna pitanja ispred Grupacije humanističkih nauka
  8. Akademski kalendar Univerziteta u Sarajevu za studijsku 2014/2015. godinu
  9. Doktorati nauka
  10. a) Saglasnosti na nastavne planove i programe  
b) Saglasnost na raspisivanje konkursa za upis kandidata na treći ciklus studija  
c) Saglasnost na program necikličnog obrazovanja  
d) Zahtjev Ministarstva za obrazovanje, nauku i mlade Kantona Sarajevo br. 11-05-38-4981-2/14 od 09. 07. 2014. godine
  11. Mišljenje Odbora za normativna pitanja u vezi sa općim aktima organizacionih jedinica i Okvirnim planom rada Upravnog odbora Univerziteta u Sarajevu za 2014. godinu
  12. Prijedlog Elaborata o osnivanju centra za javne politike Evropske unije Univerziteta u Sarajevu
  13. Međunarodna saradnja
  14. Izdavački savjet
  15. Stanje akademske mreže na Univerzitetu u Sarajevu
  16. Informacije

## **TOK SJEDNICE**

### **Ad-1.**

Jednoglasno su usvojeni zapisnici sa:

- a) 23. redovne sjednice Senata Univerziteta u Sarajevu od 25. 06. 2014. godine,

- b) 2. tematske sjednice Senata Univerziteta u Sarajevu od 03. 07. 2014. godine i
- c) 6. vanredne sjednice Senata Univerziteta u Sarajevu od 03. 07. 2014. godine.

#### **Ad-2.**

Članovi Senata su informirani o pismu Centralnog odbora Sindikata Univerziteta u Sarajevu upućenom Vladi Kantona Sarajevo, a koje je prethodno dostavljeno vijećima fakulteta i akademija Univerziteta u Sarajevu. U pismu su navedeni razlozi za pokretanje procedura za štrajk, koji je planiran za 08. 09. 2014. godine, kao i zahtjevi Sindikata usmjereni ka otklanjanju nagomilanih problema u funkcioniranju organizacionih jedinica Univerziteta u Sarajevu.

Otvorena je diskusija u kojoj su učestvovali: prof. Pjer Žalica, prof. dr. Nedžad Korajlić, prof. dr. Nihad Fejzić, prof. dr. Muharem Avdispahić, prof. dr. Kasim Bajrović, prof. dr. Ugo Vlajsavljević, prof. dr. Narcis Behlilović, prof. dr. Ejub Džaferović, prof. dr. Rifat Škrijelj, Ahmed Nurković, prof. dr. Uzeir Bavčić i prof. dr. Zehra Kreho.

Po okončanju diskusije članovi Senata su jednoglasno dali podršku opravdanim zahtjevima Sindikata Univerziteta u Sarajevu.

#### **Ad-3.**

Senatori su informirani o provedbi prvog upisnog roka u prvu godinu prvog ciklusa studija za studijsku 2014/2015. godinu. Na fakultetima i akademijama je nakon prvog upisnog roka popunjeno 4.885 mjesta od odobrene kvote od 6.127 studenata.

Članovi Senata su jednoglasno donijeli

### **ODLUKU**

kojom je data **saglasnost** na dodatni upis studenata u prvu godinu prvog ciklusa studija na Univerzitetu u Sarajevu u studijskoj 2014/2015. godini, organizacionim jedinicama koje zadovoljavaju prostorne i kadrovske kapacitete u skladu sa Standardima i normativima za obavljanje djelatnosti visokog obrazovanja na području Kantona Sarajevo.

Organizacione jedinice Univerziteta u Sarajevu koje u prvom upisnom roku nisu primile planirani broj kandidata će do 29. 08. 2014. godine objaviti i realizirati naknadni konkurs.

#### **Ad-4.**

- a) **U skladu sa Zakonom o izmjenama i dopunama Zakona o visokom obrazovanju Kantona Sarajevo i Statutom Univerziteta u Sarajevu, Senat Univerziteta u Sarajevu izvršio je izbor u akademska zvanja, kako slijedi:**

#### **ELEKTROTEHNIČKI FAKULTET**

- 4.1.** Mr. Lejla Ahmethodžić u zvanje višeg asistenta za oblast *elektronika*.

#### **FAKULTET POLITIČKIH NAUKA**

- 4.2.** Dr. Senadin Lavić u zvanje redovnog profesora za predmet *Metodologija*.
- 4.3.** Dr. Udžejna Habul za ponovni izbor u zvanje vanrednog profesora za predmet *Socijalno-pravna zaštita*.
- 4.4.** Dr. Ešref Kenan Rašidagić u zvanje vanrednog profesora za predmet *Međunarodni odnosi*.
- 4.5.** Dr. Suljo Borovina u zvanje docenta za predmete: *Sociologija rada i Sociologija organizacije*.

## **FAKULTET ZA UPRAVU**

- 4.6. Mr. Amel Delić u zvanje višeg asistenta za *upravno-pravnu oblast*.  
4.7. Mr. Aiša Žilić u zvanje višeg asistenta za oblast *teorijska ekonomija*.

## **MAŠINSKI FAKULTET**

- 4.8. Dr. Suad Jakirlić u zvanje redovnog profesora za oblast *procesno, energetska i okolinsko inženjerstvo*.

## **MUZIČKA AKADEMIJA**

- 4.9. Mr. Višnja Bakalar u zvanje vanrednog profesora za predmet *Klavir – obavezni predmet struke I-X*.  
4.10. Mr. Davor Maraus u zvanje vanrednog profesora za oblast *udaraljke (Udaraljke I-X, Kamerna muzika za udaraljke I-X, Metodika nastave udaraljki i Praktikum I-II)*.

## **PRAVNI FAKULTET**

- 4.11. Mr. Ehlimana Memišević u zvanje višeg asistenta za oblast *pravna historija*.

## **PRIRODNO-MATEMATIČKI FAKULTET**

- 4.12. Dr. Damir Marjanović u zvanje redovnog profesora za oblasti: *morfologija čovjeka i molekularna biologija*.  
4.13. Dr. Anesa Jerković-Mujkić u zvanje redovnog profesora za oblasti: *mikrobiologija i biologija ćelije*.  
4.14. Dr. Hilada Nefić u zvanje redovnog profesora za oblasti: *genetika i klinička biologija*.  
4.15. Dr. Amina Kozarić u zvanje vanrednog profesora za oblasti: *klinička biologija i genetika*.  
4.16. Dr. Nurudin Avdić u zvanje vanrednog profesora za oblast *hemijska tehnologija*.  
4.17. Dr. Sabina Begić-Hairlahović u zvanje docenta za predmete: *Uvod u laboratorijski rad i Izabrana poglavlja iz anorganske hemije*.  
4.18. Dr. Edvin Škaljo u zvanje docenta za predmet *Elektronika*.  
4.19. Dr. Senada Nezirović u zvanje docenta za predmete: *Regionalna geografija vanevropskih kontinenata i Geografija Bosne i Hercegovine*.  
4.20. Dušan Ćulum, BA, u zvanje asistenta za oblast *organska hemija*.  
4.21. Edin Hrelja, MA, u zvanje višeg asistenta za oblasti: *fizička geografija i turizam i zaštita životne sredine*.

## **INSTITUT ZA JEZIK**

- 4.22. Haris Ćatović u istraživačko zvanje stručnog saradnika za oblast *dijalektologija*.  
4.23. Mehmed Kardaš u istraživačko zvanje višeg stručnog saradnika za oblast *historija jezika*.

- b) Senat Univerziteta u Sarajevu je dao saglasnost na raspisivanje konkursa za izbore akademskog osoblja na: Akademiji likovnih umjetnosti, Akademiji scenskih umjetnosti, Elektrotehničkom fakultetu, Fakultetu političkih nauka, Farmaceutskom fakultetu, Pravnom fakultetu i Prirodno-matematičkom fakultetu.

**Ad-5.**

Senat je jednoglasno usvojio

**P r a v i l n i k**  
**o priznanjima i nagradama Univerziteta u Sarajevu**  
(tekst Pravilnika je sastavni dio ovog zapisnika)

**Ad-6.**

Prof. dr. Muharem Avdispahić uručio je prof. dr. Smailu Čekiću priznanje *Medalja Univerziteta u Sarajevu* za izuzetan doprinos osnivanju i radu Instituta za istraživanje zločina protiv čovječnosti i međunarodnog prava Univerziteta u Sarajevu i postignute naučnoistraživačke rezultate u oblasti istraživanja zločina protiv čovječnosti i međunarodnog prava.

**Ad-7.**

Jednoglasno je donesena

**ODLUKA**

kojom se u Odbor za normativna pitanja, kao stručno i savjetodavno tijelo Senata Univerziteta u Sarajevu, umjesto prof. dr. Munira Talovića, člana Odbora ispred Grupacije humanističkih nauka, imenuje novi član i to

- prof. dr. Nusret Smajlović, Fakultet sporta i tjelesnog odgoja, Grupacija humanističkih nauka.

**Ad-8.**

Jednoglasno je donesena

**ODLUKA**

kojom se daje *saglasnost* na Akademski kalendar Univerziteta u Sarajevu za studijsku 2014/2015. godinu sa Kalendarom aktivnosti organizacije i realizacije studijskih programa na Univerzitetu u Sarajevu u studijskoj 2014/2015. godini (tekst Akademskog kalendara sa Kalendarom aktivnosti organizacije i realizacije studijskih programa u studijskoj 2014/2015. godini je sastavni dio ovog zapisnika).

**Ad-9.**

**Jednoglasno su donesene odluke kojima se obrazuju sljedeće komisije za ocjenu uvjeta kandidata i podobnosti teme doktorske disertacije:**

**PRIRODNO-MATEMATIČKI FAKULTET**

**9.1.** Obrazuje se Komisija za ocjenu uvjeta kandidata mr. Jasmine Pezo i podobnosti teme doktorske disertacije *Uticaj edukacijskih igara na usvajanje hemijskih koncepata u nastavi hemije* u sljedećem sastavu:

1. dr. Meliha Zejnilagić-Hajrić, vanredni profesor
2. dr. Milka Maksimović, redovni profesor

3. dr. Amira Čopra-Janićijević, docent
4. dr. Sabina Gojak-Salimović, vanredni profesor i
5. dr. Hasnija Nurković-Hadžibulić, docent.

### **Treći ciklus studija**

#### **FILOZOFSKI FAKULTET**

**9.2.** Obrazuje se Komisija za ocjenu uvjeta kandidata mr. Sanje Gladanac i podobnosti teme doktorske disertacije *Nepoželjni na području Bosne i Hercegovine za vrijeme uprave Nezavisne države Hrvatske* u sljedećem sastavu:

1. dr. Edin Radušić, vanredni profesor
2. dr. Husnija Kamberović, vanredni profesor i
3. dr. Zijad Šehić, redovni profesor.

**9.3.** Obrazuje se Komisija za ocjenu uvjeta kandidata Mitsutoshija Inabe, MA, i podobnosti teme doktorske disertacije *Ideja djetinjstva u Bosni i Hercegovini 1878–1918.: Utjecaj darvinizma* u sljedećem sastavu:

1. dr. Edin Radušić, vanredni profesor
2. dr. Zijad Šehić, redovni profesor
3. dr. Amila Kasumović, docent i
4. dr. Mladen Bevanda, profesor emeritus.

#### **PRIRODNO-MATEMATIČKI FAKULTET**

**9.4.** Obrazuje se Komisija za ocjenu uvjeta kandidata Sabine Žero, MA, i podobnosti teme doktorske disertacije *Biopristupačnost metala iz PM10 frakcije čestične tvari zraka* u sljedećem sastavu:

1. dr. Tidža Muhić-Šarac, vanredni profesor, predsjednik
2. dr. Jasna Huremović, vanredni profesor, član i
3. dr. Mustafa Memić, vanredni profesor, član.

**Jednoglasno su donesene odluke kojima se verificiraju sljedeći izvještaji komisija za ocjenu uvjeta kandidata i podobnosti teme doktorske disertacije:**

#### **FAKULTET ZDRAVSTVENIH STUDIJA**

**9.5.** Verificira se Izvještaj Komisije za ocjenu uvjeta kandidata mr. Vedrana Đide i podobnosti teme doktorske disertacije pod naslovom *Javnozdravstveni značaj tjelesne aktivnosti u prevenciji pretilosti kod djece i adolescenata u osnovnim i srednjim školama.*

**9.6.** Verificira se Izvještaj Komisije za ocjenu uvjeta kandidata mr. Muniba Smajovića i podobnosti teme doktorske disertacije pod naslovom *Upravljanje procesima komuniciranja kao determinantom menadžmenta u zdravstvu.*

**9.7.** Verificira se Izvještaj Komisije za ocjenu uvjeta kandidata mr. Nade Malešić i podobnosti teme doktorske disertacije pod naslovom *Upravljanje ljudskim resursima: Faktori koji utječu na radnu efikasnost zaposlenih u zdravstvu na primarnom, sekundarnom i tercijarnom nivou.*

**9.8.** Verificira se Izvještaj Komisije za ocjenu uvjeta kandidata mr. Sanre Mehić i podobnosti teme doktorske disertacije pod naslovom *Uticaj slobodnih aktivnosti adolescenata na obiteljski kvalitet života.*

#### **MEDICINSKI FAKULTET**

**9.9.** Verificira se Izvještaj Komisije za ocjenu uvjeta kandidata mr. Amile Mehmedović i podobnosti teme doktorske disertacije pod naslovom *Prediktivna uloga hronične Helicobacter pylori infekcije i konsektivne inflamacije u nastanku i toku malignog rasta u digestivnom traktu.*

**Jednoglasno su donesene odluke kojima se obrazuju komisije za ocjenu i odbranu doktorskih disertacija:**

#### **FAKULTET POLITIČKIH NAUKA**

**9.10.** Obrazuje se Komisija za ocjenu i odbranu doktorske disertacije kandidata mr. Adnana Džafića pod naslovom *Identitet u savremenoj sociološkoj teoriji* u sljedećem sastavu:

1. dr. Ismet Grbo, redovni profesor, predsjednik
2. dr. Jusuf Žiga, redovni profesor, član
3. dr. Šaćir Filandra, redovni profesor, član i
  - dr. Halima Sofradžija, docent, zamjenik člana.

**9.11.** Obrazuje se Komisija za ocjenu i odbranu doktorske disertacije kandidata mr. Elme Kovačević-Bajtal pod naslovom *Lobiranje kao instrument savremene politike* u sljedećem sastavu:

1. dr. Esad Zgodić, redovni profesor, predsjednik
2. dr. Nerzuk Ćurak, redovni profesor, član
3. dr. Nedžma Džananović-Miraščija, docent i
  - dr. Suad Arnautović, vanredni profesor, zamjenik člana.

**9.12.** Obrazuje se Komisija za ocjenu i odbranu doktorske disertacije kandidata mr. Harisa Pešte pod naslovom *Konstrukcija stereotipa o islamu na Zapadu nakon 11. septembra 2001. s osvrtom na Bosnu i Hercegovinu* u sljedećem sastavu:

1. dr. Safet Halilović, redovni profesor, predsjednik
2. dr. Mirsad Abazović, redovni profesor, član
3. dr. Stjepan Šimić, redovni profesor, član i
  - dr. Enes Karić, redovni profesor, zamjenik člana.

**9.13.** Obrazuje se Komisija za ocjenu i odbranu doktorske disertacije kandidata mr. Vesime Čičkušić pod naslovom *Obrazovanje za kritičko razumijevanje masmedijske kulture* u sljedećem sastavu:

1. dr. Emina Kečo-Isaković, redovni profesor, predsjednik
2. dr. Najil Kurtić, vanredni profesor, član
3. dr. Jelenka Vočkić-Avdagić, redovni profesor, član i
  - dr. Fahira Fejzić-Čengić, vanredni profesor, zamjenik člana.

## **PRAVNI FAKULTET**

**9.14.** Obrazuje se Komisija za ocjenu i odbranu doktorske disertacije kandidata mr. Haruna Karčića pod naslovom *Koegzistencija religijskog i sekularnog prava u Evropi: Slučaj Velike Britanije, Turske i Bosne i Hercegovine* u sljedećem sastavu:

1. dr. Jasna Bakšić-Muftić, vanredni profesor, predsjednik
2. dr. Dino Abazović, vanredni profesor, član i
3. dr. Zdravko Grebo, redovni profesor, član.

## **PRIRODNO-MATEMATIČKI FAKULTET**

**9.15.** Obrazuje se Komisija za ocjenu i odbranu doktorske disertacije kandidata mr. Amre Fatić pod naslovom *Istraživanje mutagenih i genotoksičnih osobina odabranih vrsta biljaka iz familije Asteraceae* u sljedećem sastavu:

1. dr. Hilada Nefić, vanredni profesor, predsjednik
2. dr. Avdo Sofradžija, profesor emeritus, član
3. dr. Edina Muratović, vanredni profesor, član i
4. dr. Sanin Haverić, docent, član.

## **Treći ciklus studija**

### **GRAĐEVINSKI FAKULTET**

**9.16.** Obrazuje se Komisija za ocjenu doktorske disertacije kandidata Milade Mataradžije, MA, pod naslovom *Numeričko modeliranje ponašanja glina „koševskih slojeva“ ugrađenih u nasipe saobraćajnica* u sljedećem sastavu:

1. dr. Mehmed Bublin, profesor emeritus, predsjednik
2. dr. Samir Dolarević, vanredni profesor, član i
3. dr. Haris Jašarević, docent, član.

### **PRIRODNO-MATEMATIČKI FAKULTET**

**9.17.** Obrazuje se Komisija za ocjenu doktorske disertacije kandidata mr. Midhata Mehuljića pod naslovom *Globalna dinamika i bifurkacije jedne kvadratne frakcionalne diferentne jednačbe sa primjenama* u sljedećem sastavu:

1. dr. Mustafa Kulenović, redovni profesor, predsjednik
2. dr. Senada Kalabušić, redovni profesor, član i
3. dr. Esmir Pilav, docent, član.

**9.18.** Obrazuje se Komisija za ocjenu doktorske disertacije kandidata mr. Jasmina Bekteševića pod naslovom *Globalna dinamika polinomijalnih diferentnih jednačbi drugog reda u prvom kvadrantu i asimptotsko određivanje invarijantnih mnogostrukosti* u sljedećem sastavu:

1. dr. Senada Kalabušić, redovni profesor, predsjednik
2. dr. Mustafa Kulenović, redovni profesor, član i
3. dr. Esmir Pilav, docent, član.



**9.19.** Obrazuje se Komisija za ocjenu doktorske disertacije kandidata mr. Lamije Šćete pod naslovom *Neka poopštenja Tauberovih teorema za Laplaceovu transformaciju i primjene na Weylov zakon* u sljedećem sastavu:

1. dr. Muharem Avdispahić, redovni profesor, predsjednik
2. dr. Lejla Smajlović, redovni profesor, član
3. dr. Almasa Odžak, docent, član i
  - dr. Nacima Memić, docent, zamjenik člana.

**Ad-10.**

**a) Saglasnosti na nastavne planove i programe**

- Data je **saglasnost** na izmjene nastavnog plana i programa studija režije na drugom ciklusu na Odsjeku za režiju Akademije scenskih umjetnosti Univerziteta u Sarajevu.
- Data je **saglasnost** na izmjene i dopune nastavnih planova i programa prvog i drugog ciklusa studija (studij geodezije i studij građevinarstva) na Građevinskom fakultetu Univerziteta u Sarajevu.

**b) Saglasnosti na raspisivanje konkursa za upis kandidata na treći ciklus studija**

- Data je **saglasnost** na raspisivanje konkursa za upis studenata na treći ciklus studija (doktorski studij) na Fakultetu sporta i tjelesnog odgoja Univerziteta u Sarajevu u studijskoj 2014/2015. godini.
- Data je **saglasnost** na raspisivanje konkursa za upis druge generacije studenata na treći ciklus studija (doktorski studij) iz oblasti *obnovljivi izvori energije i okolinske tehnologije* na Mašinskom fakultetu Univerziteta u Sarajevu u studijskoj 2014/2015. godini.

**c)** Data je **saglasnost** na program edukacije „Kurs stranih jezika“ (neciklično obrazovanje) u okviru programa cjeloživotnog učenja na Fakultetu za upravu u Sarajevu.

**d)** Povodom zahtjeva Ministarstva za obrazovanje, nauku i mlade Kantona Sarajevo broj: 11-05-38-4981-2/14 od 09. 07. 2014. godine, a u vezi sa realizacijom interdisciplinarnog/multidisciplinarnog studija po modelu 4 + 1 na Fakultetu političkih nauka Univerziteta u Sarajevu, vodila se diskusija u kojoj su učestvovali: prof. dr. Muharem Avdispahić, prof. dr. Šaćir Filandra, prof. dr. Salih Fočo, Ahmed Nurković, prof. dr. Rifat Škrijelj, dr. sc. Suvad Konaković i Samir Arnautović.

Po okončanju diskusije Senat je, sa 4 (četiri) „suzdržana“ glasa, donio sljedeći

## Z A K L J U Č A K

- Senat Univerziteta u Sarajevu u cijelosti podržava realizaciju nastavnog procesa u oblasti interdisciplinarnih/multidisciplinarnih studija po modelu 4 + 1 na Fakultetu političkih nauka Univerziteta u Sarajevu za koji postoje sve potrebne saglasnosti Senata Univerziteta u Sarajevu, Ministarstva za obrazovanje, nauku i mlade Kantona Sarajevo i Vlade Kantona Sarajevo.

- Odgovarajuća stručna zvanja koja se navedenim studijem stječu sadržana su u *Spisku akademskih titula, naučnih i stručnih zvanja koja se mogu stjecati na visokoškolskim ustanovama u Kantonu Sarajevo*, objavljenom u „Službenim novinama Kantona Sarajevo“ od 30. maja 2012. godine.
- Senat, kao najviše akademsko tijelo Univerziteta, smatra da je za svakog kandidata kojem su dodijeljena zvanja iz tačke 2. na akademski relevantan način utvrđeno da posjeduje zahtijevane kompetencije koje se potvrđuju izdavanjem diplome o stečenom zvanju.
- Senat je zauzeo stav da se akademska postignuća studenata i kompetencije stečene studijem koji je u akademskom smislu valjan ne mogu dovoditi u pitanje.

#### **Ad-11.**

Jednoglasno je donesena

### **ODLUKA**

kojom se prihvata Mišljenje Odbora za normativna pitanja u vezi sa općim aktima organizacionih jedinica i Okvirnim planom rada Upravnog odbora Univerziteta u Sarajevu za 2014. godinu.

#### **Ad-12.**

Data je **saglasnost** na Elaborat o opravdanosti osnivanju *centra za javne politike Evropske unije* Univerziteta u Sarajevu u okviru Tempus projekta *Development of Policy-Oriented Training Programmes in the Context of the European Integration* („Razvoj trening programa u oblasti evropskih politika u kontekstu evropskih integracija“). Centar će biti smješten u prostorijama Fakulteta političkih nauka Univerziteta u Sarajevu.

#### **Ad-13.**

Članovi Senata su usvojili listu partnerskih univerziteta iz zemalja članica Evropske unije sa kojima Univerzitet u Sarajevu ostvaruje saradnju u oblasti mobilnosti studenata, nastavnika i saradnika u okviru programa Erasmus Mundus, akcija II.

#### **Ad-14.**

- a) Data je **saglasnost** da se udžbenik „Rekonstrukcija zidanih objekata visokogradnje“, autora doc. dr. Amira Čauševića i doc. dr. Nermana Rustempašića (Arhitektonski fakultet), objavi kao univerzitetsko izdanje.
- b) Data je **saglasnost** da se udžbenik „Signirani fotomikrografi histoloških preparata tkiva s komentarom“, autora prof. dr. Zakire Mornjaković, prof. dr. Selme Aličelebić, doc. dr. Esada Ćosovića, mr. sc. Maide Šahinović, mr. sc. Dine Kapić i dr. Faruka Begete (Medicinski fakultet), objavi kao univerzitetsko izdanje.
- c) Data je **saglasnost** da se udžbenik „Anatomija domaće kokoši“, autora prof. dr. Rizaha Avdića, spec. Velide Ćutahije, mr. Faruka Tandira, mr. Pamele Bejdić i Nedžada Hadžiomerovića (Veterinarski fakultet), objavi kao univerzitetsko izdanje.

- d) Data je *saglasnost* da se udžbenik „Osnove bolesti peradi sa profilaksom i terapijom“, autora doc. dr. Taufika Goletića, doc. dr. Aide Kusture i doc. dr. Edina Šatrovića (Veterinarski fakultet), objavi kao univerzitetsko izdanje.

**Ad-15.**

Povodom razmatranja trenutnog stanja akademske mreže na Univerzitetu u Sarajevu, članovi Senata su jednoglasno donijeli

**ODLUKU**

kojom se imenuje Komisija za utvrđivanje stanja akademske mreže Univerziteta u Sarajevu u sastavu:

1. prof. dr. Nijaz Bajgorić, Ekonomski fakultet,
2. doc. dr. Saša Mrdović, Elektrotehnički fakultet,
3. mr. sc. Amir Hajdar, Građevinski fakultet.

Komisija iz prethodnog stava ima zadatak da do kraja septembra 2014. godine sačini pisani izvještaj o stanju akademske mreže na Univerzitetu u Sarajevu sa prijedlozima za poboljšanje iste i dostavi ga Senatu Univerziteta u Sarajevu.

**Ad-16.**

Informacija nije bilo.

Sjednica je završena u 15,20 sati.

**Rektor**

**Prof. dr. Muharem Avdispahić**

Zapisničar:

Alma Voloder-Madacki